

## ЯНГИ ДАВР ВЬЕТНАМ АДАБИЁТИ ШАКЛЛАНИШ ЖАРАЁНИДА РОМАНИК ВА РЕАЛИСТИК ЙЎНАЛИШЛАР КУРАШИ

*Абдурашидова Нозимахон Хабибуллаевна*

*«Жанубий ва Жанубий Шарқий Осиё тиллари» кафедраси ўқитувчи-стажёри, Тошкент давлат шарқшунослик университети,  
Ўзбекистон Республикаси*

*Тел.: +998935312348. E-mail: [nozimaxon@gmail.com](mailto:nozimaxon@gmail.com)*

**Аннотация:** Мазкур мақола XX аср Вьетнам ҳикоянавислиги шаклланиш жараёнида романтик ва реалистик йўналишларнинг ривожланиш тамойилларига асосланган. Унда биз XX аср бошларида Вьетнам адабиётида янги йўналиш ва оқимлар вужудга келиши ва ушбу йўналишларда ижод қилган бир қатор ёзувчилар қаламига мансуб бир нечта ҳикояларнинг ўзига ҳос жиҳатлари билан яқиндан танишишимиз мумкин.

**Калит сўзлар:** романтизм, реализм, роман, сентиментализм, шакл, оқим, йўналиш, ланг ман, танқидий реализм, проза

XX аср бошларида Вьетнам адабиётидаги маърифатпарварлик идеалларига енгил эришишга бўлган содда ишонч XX асрнинг 20-йилларида келиб мураккаб ҳаётий қарама-қаршиликлар билан ўрин алмашди. XX асрнинг бошида Хитойдаги “Ўрдак ва капалаклар мактаби” нинг сентиментал романтик асарлари таъсири остида Вьетнамда “Кўз ёшлар оқими” аталмиш адабиёт дунёга келди.<sup>1</sup> Ўша пайтда Вьетнамда Хитойлик ёзувчи Сюй Чжейнинг “Оққушнинг кўзёшли тарихи” номли романи машхур бўлган. Ушбу романга тақлид сифатида Вьетнамда Чонг Кхиемнинг “Ким Аннинг кўзёшли тарихи” романи, Тионг Фонинг “Кузги кўзёшлар” номли тўплами вужудга келди. Машхур ёзувчи Хоанг Нгаук Фатянинг “То Там” номли асари ҳам айнан шу жиҳатлари билан ажralиб туради. Ушбу асарда бош қаҳрамоннинг ўлимига сабаб бўлган феодал қарашларга зид бўлган севги тасвирланган. Асар кундалик изҳорларнинг кўриниши шаклида яратилган бўлиб, Вьетнам адабиётида бундай шакл биринчи марта қўлланилган. Вьетнам адабиётшунослари Хоанг Нгаук Фатяни вьетнам адабиётидаги романтизм асосчиси деб билишар эди. Аммо, уларнинг романтизм тушунчаси Европа романтизм тушунчасига бирмунча тўғри келмас эди. Бу тушунча кўпроқ сентиментализмга таалуқли бўлган.<sup>2</sup>

<sup>1</sup> Литература Востока в новейшее время. М., изд. Московского университета 1977. Б.514

<sup>2</sup> Ўша жойда.

Гувоҳи бўлганимиздек, Вьетнам ҳикоянавислиги ўз ривожланиш йўлининг илк даврида, яъни XX асрнинг 20-йилларида ўзига хос кўринишдаги романтик йўналишни тараққий этиб, бундай адабиётнинг тараққий этишида Хитой адабий мактабининг роли катта бўлган.

XX аср ўттизинчи йилларининг боши Вьетнам тарихига Вьетнам халқининг француз мустамлакачи ва маҳаллий феодаллар зулмига қарши иирик қўзғолонлар кўтарилиш даври бўлиб кирди.

Мустамлакачилар томонидан ўрнатилган цензура, тақиқланишлар ва тўсқинлар шарт-шароитида 1930-1945 йиллардаги Вьетнам адабиётида реалистик йўналишни романтик йўналишга қарама қаршилиги яққол сезила бошлади. Айтиб ўтиш керакки, “романтик” (“ланг ман”) сўзи вьетнам тилида “ўзбошимча”, “ахлоқсиз” деган маъноларни билдиради. Бу сўзнинг нега бундай талқин этилишини эса фикримиз давомида кўрсатиб ўтамиз.<sup>3</sup>

1932 йил ташкил топган “Ўз кучи билан” ёзувчилар гурӯхини одатда “романтиклар” деб аташар эди. “Ўз кучи билан” гурӯхи 1930 - 1931 йиллардаги озодлик ҳаракатларига жавобан мустамлакачилар томонидан олиб борилган қонли террор пайтида барпо бўлган. Вьетнам буржуазияси эса миллий озодлик ҳаракати фаолиятидан узоклашган эди. “Ўз кучи билан” гурӯх ёзувчилари ҳаётни аста-секин “яхшилаш” тарғиботига ўтдилар, ўқувчиларини мустамлакачилардан бир томчидан сиқиб олинадиган кичик ислоҳатларнинг катта аҳамиятга эга эканлигига ва асоссиз оптимизмга ишонтиришга интилар эдилар<sup>4</sup>. Бу гурӯхнинг “Мурожаатнома”сида шундай деб айтилган эди: “Социал йўналишидаги китобларни яратиш ва таржима қилиш зарур бўлиб, кучларни жамлаган ҳолда одамларни ва жамиятни кундан-кунга яхшилашга ҳаракат қилиш керакдир”<sup>5</sup>. Бироқ мустамлака-феодал Вьетнамнинг “ҳаёти яхшиланиб кетишини” бу гурӯх вакиллари табиий равищда кўра олмадилар. Жамият ривожининг қонунийлик йўналишига уларнинг қарашларини номувофиқлиги гурӯх ёзувчиларини кўпчилигини ўткир ижтимоий муаммоларидан қочишига мажбур қиласар, қаҳрамонларини жамият шартларидан ташқарида яратишига интилтирас эди. Бу гурӯх вакиллари ҳар доим дадиллик билан бўлмаса ҳам, шахсни конфуций таълимотига хос аҳлоқий-ижтимоий қатъий қолиплардан озод қилишига ва “европаликлар ҳаёт тарзи”ни ўрнатишига чақирав эдилар. Шу ўринда бир нарсага эътибор қаратиб ўтишимиз лозимки, европа романтиклари ўзлари учун мисолий дунё, ўзгача бир гўзал чизгилар или шахсиятни юксак даражага қўйган бўлсалар, Вьетнам

<sup>3</sup> Durand M. P., Introduction a l'literature vietnamienne P. 33

<sup>4</sup> Зимонина И.П. О просветительских тенденциях во вьетнамской новелле начала XXв – В кн.: Просветительство в литературах Востока. М., «Наука», 1973

<sup>5</sup> Литература Востока в новейшее время. М., изд.Московского университета 1977. Б.514



романтиклари эса европаликлар ҳаёт тарзини ўзлари учун энг гўзал чизги сифатида танлаганлар.

Айнан шу сабаблар тез-тез ҳаётий ҳақиқатни нотўғри талқин қилишга олиб келар эди. Яъни улар ҳаётни бўрттириб кўрсатишга интилар эдилар. XX аср бошидаги маърифий ғояларни ўзлаштиришга ҳаракат қилишганда, “романтиклар” оддий равишда уларни кучсизлантираш эди, фақатгина европалаштириш шаклига чақириқ қолар эди. Улар европача кийимлар кийишни ҳам тарғиб қилишар эди.

Вьетнам “романтикли”га субъективлик хос бўлган.<sup>6</sup> Танқидчи Хоай Тхань вьетнам адабиётидаги романтизм ва реализм орасидаги фарқларни кўрсатаётганида шуни белгилади: ёзувчи асари учун материалларни “ҳақиқий ҳаёт ва қалб – бу 2 та туганмас заҳиралар” дан олиши мумкин. Унинг фикрича, қайси ёзувчи ижодида ҳаётий фактларга субъектив ёндошса, романтикларча бўрттириб кўрсатса ўша романтик бўлади, уларни ўрганиш йўлига туриб ҳаётнинг қонуниятларини асос қилиб олган ёзувчи эса реалистдир. Вьетнамдаги синфий курашнинг авжланиб кетиши шароитида эса ёзувчининг эстетик-ғоявий қарашлари албатта социал тус олган эди, аммо романтиклар жамиятдаги бу қарама-қаршиликларга кўпинча эътибор бермас эдилар, реалистлар эса аксинча бу низоларни ўз асарларида таъкидлаб ўтишга ҳаракат қилишган. Романтиклар адабиётда ижтимоий муносабатлардан юқори турган шахсиятни таъкидлашар эди.

Романтиклар ижодида жамиятга қарши бўлган шахснинг ўзлигини таъкидлашига ва англашига жуда катта аҳамият берилиган. Нят Линнинг “Қатъий узиш” (“Thời điểm”, 1934) ҳикоясининг қаҳрамони янгиликларга мойил Loандир. Уни розилигисиз ота-онаси турмушга беришади ва буни эвазига каттагина пул олишади. У севмаган эри ва мустабид қайнонаси билан машаққатли кунларни кечиришга мажбур бўлади. Ёзувчи Loан учун тасодифий, ана шундай муҳитдан қутилишни уйлаб топади: эри тасодифан пичоқ устига тушиб кетиб ҳалок бўлади. Бу ўлимда Loandan гумон қилишади, лекин суд томонидан у оқланади. Шундай қилиб ўтмиш билан “қатъий узиш”, Loаннинг озод бўлиши кураши сифатида эмас (курашга унга жасурлик етишмасди) балки, хукumat томонидан билвосита маъқуллаганлигини гувоҳи бўламиз. Ҳикояда ёзувчи ўз қаҳрамонини жамиятдаги муаммолардан юқори қўйишга ҳаракат қилган. Зоро, Loаннинг озод бўлишга бўлган интилишлари ҳикоя давомида ўз ифодасини топган. Шунингдек, эскирган аҳлоқий ақидаларга буйсенишда ҳам шахс озод бўлиши мумкинлиги тўғрисида таъкидлаган эди.

<sup>6</sup> Литература Востока в новейшее время. М., изд.Московского университета 1977. Б.516



30-йиллардаги ёзувчиларнинг ноодатий воқеаларни излашлари, социал муаммоларига ўсган қизиқишилари адабиётда кутилмаган ва қизиқтирадиган учрашувларга олиб келди. Романтик Хоанг Даога “Оқ йўл” (“Đường tráng”, 1940) романи тегишли бўлиб, Л. Толстойнинг асарларидан илҳомланган эди. Романда Л. Толстойга хос ўзгача интонацион ва лексик нутқлари нинг услубига- тақлидлик сезиларди.

Шундай қилиб Вьетнам романтиклари ўз асарларида жамиятдаги низолар, қарама-қаршиликларни эмас, балки ижтимоий муносабатлардан юқори турган шахсиятни таъкидлашга интилишган.

Юқорида айтиб ўтганимиздек XX аср ўттизинчи йилларининг бошида Вьетнам халқида француз мустамлакачи ва махаллий феодаллар зулмига қарши йирик қўзғолонлар кўтарилиган эди.

Бу воқеалар миллий адабиётнинг ривожланишига катта таъсир кўрсатди. Албатта, Вьетнам воқелигидаги чукур социал жараёнлар турли ёзувчиларга турлича таъсир кўрсатган эди. Баъзилари миллий озодлик ҳаракатининг кенг қулоч ёйишидан чўчиб, илгариги демократик маслакларидан бош тортдилар ва тушқунликка юз тутдилар; бошқа бирлари, аксинча, ўз халқининг ҳаққоний курашида янада фаол қатнашдилар.

30 йилларнинг ўрталарида мустамлакачилар Вьетнамдаги инқилобий ҳаракатни бостирганларидан кейин бу икки гурух яққол ажралиб қолди. Демократик кучларга қарши бошланган террордан кўрқкан баъзи шоир ва ёзувчилар «санъат-санъат учун» деган шиорни тарғиб этиб, ноумидлик билан сўлғин гуллар ва баҳтсиз севги ҳақида куйлай бошладилар.<sup>7</sup>

Бироқ, шу ўттизинчи йилларда вьетнам адабиётида бошқа бир йўналиш — танқидий реализм йўналишининг белгилари ҳам пайдо бўлди. Бу йўналиш турли тушқунлик оқимларига қарши курашда ривожланди, шаклланди ва мустаҳкамланди.

Реализм поэтикасини тарғиб этган янги адабий кучлар кенг қўламда адабий мунозара ўтказишиди, бунда «санъат - санъат учун» деган шиор танқид қилинди.<sup>8</sup>

Вьетнам танқидий реализм прозасининг шаклланишига ўзаро таъсир қилган муҳим ижобий омил бу Вьетнамда пешқадам қарашларининг тарқалишидир. 1935-йилнинг қонуний матбуотида санъатнинг мантиқи, ўрни, мазмунлиги ва ёзувчининг жамият олдидаги юксак бурчи тўғрисида баҳс-мунозаралар нашр қилинади. Бу баҳс-мунозараларда «санъат-санъат учун» шиорининг тарафдорлари ҳам иштирок этдилар, улар бир-бирига қарама-қарши нутқлар билан чиқишиди. Танқидий реализм муаммоси, яъни

<sup>7</sup> Рассказы вьетнамских писателей. Изд.Москва 1960г. Б.15

<sup>8</sup> Литература Востока в новейшее время. М., изд.Московского университета 1977.

воқейликни объектив тасвир этиш ва типологик характер яратиш - баҳсларнинг асосий ва марказий мавзуси эди.<sup>9</sup> Баҳснинг ўзи реалистик адабиётнинг ривожланишга бўлган эҳтиёжидан келиб чиққанди ва у бевосита истеъодли ёзувчи Нгуен Конг Хоанинг “Актер Ти Бен” (“Diễn viên Tu Ben”, 1935) ҳикояли тўпламидан бошланган эди.

Реализм рақиблари ошкора қаршилик қила олмадилар. Лекин уларнинг мулоҳозаларида жамиятда реализмнинг чуқур илдиз отган ижтимоий ахамиятини йўққа чиқаришга бўлган интилиш сезилиб турар эди. Зоро, адабий рақиблар воқеликни тасвирида ижтимоий шартланишдан воз кечишни таклиф қилдилар.

Реалистлар «санъат-санъат учун» шиори тарафдорларининг қарашларини асоссизлигини кўрсата олишди ва “Санъат- ҳаёт учун” принципини таъкидлашди. Ёзувчи Нгуен Динь Тхи айтиб ўтгандай, айнан шу баҳсдан сўнг, вьетнам адабиётида “реализм- ҳақиқий англашилган тамойил “ бўлиб қолди.

Ўша йиллар вьетнамда танқидий реализм адабиёти катта ютуқларга эришди: бошида миллий анъаналар таъсири натижасида новелла ва очерк ривожланган бўлса, эндиликда реалистик роман пайдо бўлди. Бунинг устига Вьетнам реалистик романи ва қиссани шакилланишида умумий жараёнларнинг муҳим қисми - вьетнам адабиётида дехқон мавзусининг шаклланиши бўлди. Зоро, Вьетнам реалистлари учун шахснинг эмансипация (озод бўлиш) муаммоси жуда жиддий ахамиятга эга бўлса-да, реалистларнинг ижодида кўпинча олий қатлам жамоалари эмас, асосан оддий меҳнаткаш халқ ҳақида ёзиларди.<sup>10</sup> Айнан реалистларнинг ижодида вьетнам адабиётининг инсонпарварлик анъаналари ва энг аввало бечора-ночорларга бўлган эътибори ўзининг кетма-кетлик ривожланиш тусини олди. Ушбу реалистик асарларда кўпинча бош қаҳрамон халқдан чиққан оддий инсон бўлди. Бунга мисол қилиб машҳур ёзувчи Чан Тиеунинг “Хўқиз” (“Con trau”, 1938) асарини келтириш мумкин. Унинг бош қаҳрамони камбағал дехқон – бутун ҳаёти давомида хўқиз сотиб олишни орзу қилади. Лекин орзусини амалга ошира олмайди. Мазкур асар ҳақида ёзувчи ўз фикрини билдираётганида ўқувчиларининг эътиборига шуни таъкидлайди: “Қизиқишлири тор бўлса ҳам, ҳаёт бир хил тарзда кетса ҳам – кичкина одамнинг ички дунёси бебаҳодир!”<sup>11</sup> Яъни реалистлар оддийгина инсоннинг реал дунёси чегараланган бўлса ҳам, унинг маънавий олами жозибали, бебаҳо эканлигини таъкидлаганлар.

<sup>9</sup> Рассказы вьетнамских писателей. Изд.Москва 1960г. Б.15

<sup>10</sup> Литература Востока в новейшее время. М., изд.Московского университета 1977. Б.514

<sup>11</sup> Рассказы вьетнамских писателей. Изд.Москва 1960г. Б.18

Вьетнам реалист ёзувчилари ҳаётни ўрганишда натуралистик тасвирга мойиллик борлигини намойиш қилдилар.

Вьетнамда реалистик адабиётнинг вужудга келиши Ву Чонг Фунг, Нго Тат То, Нгуен Хонг, Нам Као, Чан Данг, То Хиу, Нгуен Конг Хоан номлари билан чамбарчас боғлиқдир.

Фикримизнинг исботи сифатида Нго Тат Тонинг “Чирок ўчди” (“Tát địen” 1939) ҳикоясини келтиришимиз мумкин. Ҳикоя мустамлака-феодал Вьетнамда меҳнаткаш дехқон ҳаёти туғрисида ёзилган бўлиб, жамиятдаги қарама-қаршиликлар, тенгсизлик, қонунсизлик, қашшоқлик ва бойлик асосида яратилган. Ҳикояда биз фақатгина жамият қарама-қаршиликлар мотивларидан ташқари оддий одамнинг мустамлакачилар устидан аҳлоқий устунлигини кўришимиз мумкин. “Чирок ўчди” ҳикоясининг марказида ёш хизматчи Зау образи тасвирланган бўлиб, унинг тақдирини инқилобдан олдинги вьетнамликлар учун одатийдир. У қарзини тўлай олмагани учун қамоқقا олинади. Бетоб эрини кутқариш учун даҳшатли ишга журъат этади- ўзини, етти ёшли қизини Куэ исмли бойга сотади. Куэ ҳам сутхўр, ҳам ёлғончи бўлади. Ночор аҳволга етиб борган Зау, унга азоб берганларга қаратса мушт кўтарган саҳна ҳикояда ниҳоятта аниқ тасвирланган.

Нго Тат То амалдорлар ва қишлоқ бойлари тўғрисида ёзганда, хар доим устиларидан ҳажв қилиши сезилади. Ёзувчи шу доирада яна порахўрлик ва маънавий бузилиш аҳволини кўрсатади. Ҳикоя давомида Зау бир амалдорнинг уйига хизматкор бўлиб ишга жойлашади. Афсуски, барча амалдорлар сингари ўша амалдор ҳам Зауга нисбатан айёр ниятларни амалга ошироқчи бўлади. Аммо Зау ифлос амалдор қўлидан қутилиб кетади ва бой хонадонда энага бўлиб ишлай бошлайди. Энди у солиқ тўлай олади ва эрини қутқаради. Лекин бой хонадонида ҳам Зауни янги мусибатлар кутади ва у бой хонадонини тунда тарк этишга мажбур бўлади. Ҳикояда ёзувчи барча амалдор ва ер мулқдорларига танқидий фикр билдириб, уларни “қоғозга ўралган ҳолда” фош қилишга уринган.

Яна бир танқидий реализм вакили Нгуен Хонг ҳам ўз асарларида танқидий реализмнинг белгиларини ёритиб бера олган. Унинг “Ўғри қиз” (“Bí Bó”, 1938) ҳикояси - алданган ва ташлаб кетилган қишлоқ қизи Бинъ тўғрисида. Амалдорлар ундан боласини тортиб олишади, у эса Хайфонга қочади ва “хушчақчақли уйга” тушиб қолади. У ерда ўғриларнинг сардори бўлган Намни учратади. Нам образи романтик планда тасвирланган эди: муаллиф уни ўзича ёқимли, бағри кенг ва дўстлар билан олий жаноб муносабада бўладиган шахс қилиб кўрсатади. Нам Бинъга уйланади ва уни ўзининг “ўғрилик хунарига” ўргатиб қўяди. Баҳтсиз аёлнинг азоб чекиши мавзуси психологик-аҳлоқий нуқтаи назарда берилган:



*Tùr đó, Bính lại trở lại cuộc sống ngoài vòng pháp luật với Năm Sài Gòn, nhưng trong lòng vẫn day dứt khát khao cuộc đời lương thiện.<sup>12</sup>*

*Бинь Намни севади, аммо унинг нопок, виждансииз ҳаётидан қийналарди. У ўгрилар дунёси ичидан инсоний учқунларни қидира бошилайди.<sup>13</sup>*

Ҳикоя якуни фожияли якун топади. Нам қимматбаҳо нарсаларни ўғирламоқчи бўлганида тасодифан бир болани пичоқлаб қўяди, бу бола эса Бинънинг ўғли бўлади. Бинь ва Намни ҳибсга олишади. Шундай килиб Бинь ҳалол ва меҳнаткаш ҳаётидан воз кечганига жазо олади. Муаллиф унинг фожияли такдири негизини жамият ҳаётидаги турли шароитларни кўрсатади.

Демократик фронт даврида реалист ёзувчиларнинг асарларида – меҳнаткашлар манфаатлари учун курашувчи ҳимоячининг образи пайдо бўлди. Нгуен Хонг “Хитойлик она” (“Một người mẹ đến từ Trung Quốc”, 1939) ҳикоясидаги оддий хитой аёли образи шундай тасвирланган. Бу ҳикоя каҳрамонасининг руҳий ўзгариши тўғрисида, у муҳтожлик ва кундалик ташвишилари билан эзилган, бошқа ночор хитой қочокларидан хеч фарқ қилмайдиган, оддий одамдан меҳнаткашлар иши учун қўрашувчига айланади ва меҳнаткашларнинг интернационал биродарликни жонли намунаси бўлиб қолади.

Ўша пайтдаги вьетнам адабиётида ўзига хос йўналишда ижод қилган реалист Ву Чаунг Фунг (1912-1939) бўлган. Қисқа ҳаёт давомида у кўп асарлар яратган. У ўша пайтда яратган ҳикояларида биринчи навбатда жамиятдаги икки категория одамларни ўрганади: биринчилари пўл қудрати йўлидан “туб остига” ташланганлар, иккинчилари эса муттаҳамлик ва разиллик билан бойлик ва иззатга эришганлар. Ву Чаунг Фунг ҳар хил социал табақаларнинг ҳаётини ҳаракатларда ва ўзгаришларда кўрсатишга ҳаракат қилган.

XX асрнинг 30 йилларидаги Вьетнам адабиётининг таҳлили, адабиёт олдига ҳаёт томонидан қўйилган мураккаб ва турли-туман вазифалар шуни кўрсатадики, вьетнам реалист ёзувчилари ўзларининг олдиларига қўйилган вазифани муваффақият билан бажарганлар.

## ФОЙДАЛАНИЛГАН АДАБИЁТЛАР РЎЙХАТИ

### Вьетнам тилидаги манбалар:

- 1.1. TÔNG TẬP VĂN HỌC VIỆT NAM, oa hoc xa hoi – Ha noi, 1980 . - 350 б.
- 1.2. Văn học dân gian các dân tộc – Ha noi, 1959. - 320 б.

<sup>12</sup> Tong Tap Van Hoc Viet Nam. Nha xuat ban khoa hoc xa hoi – Ha noi 1980. B.23

<sup>13</sup> Tong Tap Van Hoc Viet Nam. Nha xuat ban khoa hoc xa hoi – Ha noi 1980. B.23



**1.3.** Tho van Nguyen Khuyen – Ha noi, 1971. - 478 б.**Ўзбек тилидаги адабиётлар:**

**1.4.** Адабий турлар ва жанрлар. – Т.: Фан, 1991. 1-жилд. -383 б., 2-жилд. 1992 – 246 б.

**1.5.** Аристотель. Поэтика. Т.: Faafur Fulom номидаги Адабиёт ва санъат нашриёти, 1979.

**1.6.** Бобоев Т. Адабиётшунослик асослари. – Т.: Ўзбекистон, 2002. - 5586.

**1.7.** Носиров Ў.Н. Образларда услугуб жилолари. –Т.: Фан, 1991. –196 б.

**1.8.** Сулаймонова Ф. Шарқ ва Farb. – Т.: Ўзбекистон, 1997. -415 б.

**1.9.** Умиров Х. Адабиётшунослик назарияси. – Т.: А.Қодирий номидаги ҳалқ мероси нашриёти, 2004. – 262 б.

**1.10.** Худойбердиев Э. Адабиётшуносликка кириш. – Т.: Иқтисодмолия. 2007. – 304 б.

**1.11.** Қуранов Д. ва бошқалар. Адабиётшунослик лугати. Т.: Академнашр, 2010 – 304 б.

**Рус тилидаги адабиётлар:**

**1.12.** Белокурова С.П. Словарь литературоведческих терминов.

**1.13.** Вьетнамско-русский словарь. М.: «Русский язык», 1992.

**1.14.** Зимонина И.П. О просветительских тенденциях во вьетнамской новелле начала XXв – В кн.: Просветительство в литературах Востока. М., «Наука», 1973

**1.15.** Избранные произведения писателей Юго-Восточной Азии. М., «Худ.лит.» 1981. Б. 98

**1.16.** Крупчанова Л.М. Введение в литературоведение. – М.: ОНИКС, 2005. – 415 с.

**1.17.** Литература Востока в новейшее время. изд. Московского университета 1977. 550 с.

**1.18.** Литература и фольклор народов Востока. – М.: Наука, 1967. - 267 с.

**1.19.** Никулин И.Н., Вьетнамская литература. М.: Наука, 1971. 650 с.

**1.20.** Рассказы вьетнамских писателей. Изд.Москва 1960. 130 с.

**1.21.** Русско – вьетнамский словарь. М.: «Русский язык», 1992.

**1. Интернет сайтлари:**

1. [www.wattpad.com](http://www.wattpad.com)
2. [www.vietnamise.com](http://www.vietnamise.com)
3. [www.facebook.com](http://www.facebook.com)
4. [www.thegioi.vn](http://www.thegioi.vn)

